

Powšitkowne WOZJEWJENJA

njedźelu, 28. apryla 2019

Prěni mejski nyšpor

Lětuši prěni mejski nyšpor w Róžeńčanskej swjatnicy budže srjedu, 1. meje, w 17 hodź. Wšitcy su wutrobnje přeprošeni.

Mejski nyšpor w Róžeńće

Na našim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěřili do zrowastanjeneho Chrystusa. Do paćerja chcemy tež wšu swětowu cyrkej zapřijeć a so wo měř na zemi modlić. W tutym zmysle přeprošuju w mjenje Towarstwa Cyrila a Metoda z.t. (TCM) wěriwych ze wšitkich wosadow njedźelu, 5. meje, w 17.00 hodź. na wosebity mejski nyšpor do hnadowneje cyrkwy w Róžeńće. Muski chór Delany jón hudźbnje wobrubu.

Jurij Špitank, předsyda TCM

TCM hromadži hišće hač do 3. meje za Malawi

Hladajo na scěhi tropoweho wichora Idai, kotrehož dla su hoberske kónčiny afriskich krajow Mosambik, Malawi a Simbabwe powodžene, chce Towarstwo Cyrila a Metoda z.t. (TCM) ze swojej akciju „Łužica pomha“ woporam pomhać a prosy za nich wo pjenježne dary. Štóz chcył wurjadnu akciju podpěrać, njech přepokaza swój dar hač do pjatka, 3. meje, na konto towarstwa pola banki LIGA: Cyrill-Methodius-Verein e.V., IBAN: DE 65 750 90 300 000 828 23 66, hesło: Malawi.

Wulět samostejacych

Wulět samostejacych ze serbskich wosadow budže wutoru, 21. meje, a powjedže do Noweje Cale. Zajimcy njech so hač do srjedy, 8. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka „Při Klóšterskej wodže“ budže na předwječoru swjedenja swjateho Floriana, pjatk, 3. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprošeni.

Požohnowanje motorskich

Popołdno z požohnowanjom motorskich zahaji so njedźelu, 5. meje, w 14 hodź. z nyšporom w Ralbičanskej cyrkwi. Přizamknje so zhromadny wulět, kotryž wuklinči něhdže w 16.30 hodź. w Nowoslicach.

Putnikowanje staršich a chorych ludźi do Różanta

Putnikowanje staršich a chorych ludźi ze serbskich wosadow do Różanta budže sobotu, 11. meje. Wot 13 hodź. budže přiležnosć k swjatej spowědži. Modlenje swjateho różowca započnje so w 13.30 hodź. Różowcej přizamknje so w 14 hodź. Boža mša, kotruž změje farar Michał Nawka. Na njej wudžěli so tym, kotřiž sej to přeja, žalbowanje chorych. Po kemšach poskići so swačina.

Putnikowanje wujednanja w Hejnicach

Wěriwi z Němskeje, Pólskeje a Čěskeje su sobotu, 11. meje, wutrobnje na putnikowanje wujednanja do Hejnic přeprošeni. Boža mša w hnadownej cyrkwi budže w 10.30 hodź. Swjećić budže ju monsignore Anton M. Otta z Prahi. Po kemšach su wšitcy putnicy na přikusk přeprošeni.

Wustajeńca wo nałožkach w Serbskim muzeju

W Budyskim Serbskim muzeju móža sej zajimcy hač do njedźele, 5. meje, wustajeńcu wo serbskich nałožkach w póstnym a jutrownym času wobhladać. Džěći móža ju ze zmysłami dožiwić a so we walkowanju wuspytać a jutrowne jejka debić.

Sakski konopej w Smochćicach

„Kak swobodnje rozprawjeja naše medije?“ rěka tema zarjadowanja pjatk, 17. meje, w 19.00 hodź. w Smochčanskim Domje biskopa Bena. Na tak mjenowanym Sakskim konopeju budžetaj dr. Peter Frey, šefredaktor ZDF, a Ine Dippmann, rozhlósowa korespondentka sčelaka MDR, sedžeć. Moderaciju změje Daniel Heinze z cyrkwinskeje redakcije Radija PSR.

Program k projektej „Swětło pozbudža“

We wobłuku wuměłstwoweho projekta „Swětło pozbudža“ přednošuje Heinrich Wullhorst z Duisburga srjedu, 1. meje, w 19.30 hodź. w rumnosći firmy Kupke & Partner GmbH na Budyskej Pawoła Njekowej dróze 143 k temje „Socialna wučba 4.0 – kak móžemy w časach digitalizacije čłowjescy wostać“.

Přednošk Dirka Jurschicka k temje „Pochowanska kultura džensa“ móža zajimcy pjatk, 3. meje, w 19.30 hodź. w žarowanskej hali pochowanskeje firmy Schröter na Walskej w Budyšinje słyšeć.

Seniorowe popoždno z Ludgerom Hinsu zarjaduja sobotu, 4. meje, w 14 hodź. na Benowej žurli na Tzschirnerowej 12. W tachantskej cyrkwi poskići so samsny dzeń we 18 hodź. duchowna hudźba z Lipšćanskim synagogalnym chórom a komornym chórom Josquin des Prez. Pod nawodom Ludwiga Böhmy zaklinča psalmy ze synagogow a cyrkwjow. A we wopomnišću na Weigangowej 8a budže tón dzeń w 19.30 hodź. tak mjenowana performance k temje „Čerpjenje swěta“ z tekstami Ludgera Hinsy a hudźbu Hansa Narvy.

Nazajtra, njedźelu, 5. meje, je w Budyskej Marije Marćinej cyrkwi w 9.30 hodź. Boža služba, na kotrejž změje Ludger Hinse předowanje k temje „Złoty rěbl do njebjes“. Cyłkowny program projekta „Swětło pozbudža“ je pod www.posol.de wozjewjeny.